

SOALAN LAZIM KEMASUKAN MURID KE TINGKATAN ENAM

A. SYARAT TAWARAN

1. Adakah perlu memohon untuk masuk ke Tingkatan Enam Semester 1 selepas keputusan SPM diumumkan?

Tidak perlu. Calon lepasan SPM yang layak dan memenuhi syarat akan ditawarkan ke Tingkatan Enam.

2. Apakah syarat-syarat kelayakan masuk ke Tingkatan Enam?

a. Syarat am

- Lulus SPM dengan mendapat sekurang-kurangnya kepujian bagi mata pelajaran Bahasa Melayu.
- Berumur antara 17 hingga 20 tahun pada 1 Januari tahun 2021.

b. Syarat Khas

- Bidang Sains - Mendapat sekurang-kurangnya tiga kepujian dalam mata pelajaran sains dengan jumlah mata gred tidak melebihi 18 unit.
- Bidang Sains Sosial - Mendapat sekurang-kurangnya tiga kepujian dengan jumlah mata gred tidak melebihi 12 unit.

3. Apakah nilai wajaran mata unit untuk kiraan bagi kemasukan ke Tingkatan Enam?

Jadual Wajaran Mata Gred SPM

Gred	Nilai Gred Purata Keseluruhan (GPK)	Tahap
A+	1	Cemerlang Tertinggi
A	1	Cemerlang Tinggi
A-	2	Cemerlang
B+	3	Kepujian Tertinggi
B	4	Kepujian Tinggi
C+	5	Kepujian Atas
C	6	Kepujian
D	7	Lulus Atas
E	8	Lulus
G	9	Gagal

B. SEMAKAN KEPUTUSAN DAN PENDAFTARAN

4. Bilakah murid lepasan SPM tahun 2020 boleh menyemak keputusan tawaran ke Tingkatan Enam Semester 1 Tahun 2021?

Murid lepasan SPM tahun 2020 boleh menyemak keputusan tawaran ke Tingkatan Enam Semester 1 Tahun 2021 mulai **5 hingga 15 Julai 2021**.

5. Bagaimanakah cara bagi membuat semakan keputusan dan pendaftaran ke Tingkatan Enam Semester 1 tahun 2021?

Murid lepasan SPM 2020 boleh membuat semakan keputusan tawaran dan pendaftaran ke Tingkatan Enam Semester 1 Tahun 2021 di portal Aplikasi Dalam Talian Tingkatan Enam (<https://sst6.moe.gov.my>).

Bagi murid yang tiada capaian internet, pihak sekolah akan memaklumkan keputusan tawaran serta menyampaikan surat tawaran ke Tingkatan Enam Semester 1 tahun 2021.

6. Bilakah tarikh pendaftaran murid Tingkatan Enam Semester 1 Tahun 2021?

Tarikh pendaftaran ke Tingkatan Enam Semester 1 Tahun 2021 bermula pada 5 hingga 15 Julai 2021.

7. Bagaimanakah pendaftaran kemasukan murid Tingkatan Enam Semester 1 tahun 2021 dilaksanakan?

Pendaftaran kemasukan murid Tingkatan Enam Semester 1 tahun 2021 dilaksanakan secara dalam talian melalui pautan <https://sst6.moe.gov.my>.

Bagi murid yang tiada capaian internet, pihak sekolah akan membantu murid membuat pendaftaran mengikut kaedah yang bersesuaian.

C. PERMOHONAN RAYUAN

8. Sekiranya saya tidak memenuhi syarat kemasukan ke Tingkatan Enam, adakah saya boleh membuat permohonan rayuan?

Boleh. Murid boleh membuat rayuan secara dalam talian di pautan <https://sst6.moe.gov.my/> dengan mengisi borang rayuan ke Tingkatan Enam tahun 2021 bagi calon sekolah kerajaan berdasarkan pencapaian kokurikulum (T6BKK)

Bagi murid yang tiada capaian internet, pihak sekolah akan membantu menguruskan permohonan rayuan murid mengikut kaedah yang bersesuaian.

9. Bilakah permohonan rayuan kemasukan ke Tingkatan Enam dibuka?

Permohonan rayuan kemasukan ke Tingkatan Enam dibuka mulai 5 hingga 15 Julai 2021.

10. Saya merupakan seorang calon persendirian/sekolah swasta/Sekolah Menengah Agama Negeri SPM tahun 2020, bolehkah saya memohon ke Tingkatan Enam semester 1 tahun 2021 di Sekolah Kerajaan?

Boleh. Murid boleh membuat permohonan rayuan secara dalam talian di pautan <https://sst6.moe.gov.my/> dengan mengisi borang rayuan calon persendirian, Sekolah Swasta dan Sekolah Menengah Agama Negeri (T6BCP). Kelulusan adalah berdasarkan kepada syarat kemasukan dan kekosongan tempat.

Murid yang tiada capaian internet, boleh menghubungi sekolah yang berhampiran mengikut kaedah yang bersesuaian bagi membuat permohonan rayuan.

11. Bagaimanakah cara untuk membuat permohonan rayuan sekiranya seseorang yang telah ditawarkan ke Tingkatan Enam tetapi berhasrat untuk bertukar Kolej Tingkatan Enam/Pusat Tingkatan Enam atas sebab tertentu, seperti mata pelajaran yang ingin diambil tidak ditawarkan di Kolej/Pusat Tingkatan Enam tersebut dan sebagainya?

Permohonan rayuan pertukaran Kolej Tingkatan Enam/Pusat Tingkatan Enam perlu dikemukakan secara emel ke Pejabat Pendidikan Daerah yang berkaitan dengan menggunakan Borang P.U.(A) 275 Jadual Ketiga [Permohonan untuk Bertukar Sekolah oleh Murid Warganegara].

Bagi murid yang tiada capaian internet, pihak sekolah akan membantu murid membuat permohonan rayuan mengikut kaedah yang bersesuaian.

12. Saya merupakan murid lepasan SPM 2020 di sekolah kerajaan dan bantuan kerajaan serta memenuhi syarat kemasukan ke Tingkatan Enam, tetapi saya tidak menerima tawaran kemasukan ke Tingkatan Enam Semester 1 tahun 2021.

Murid perlu menghubungi (melalui telefon/emel) Jabatan Pendidikan Negeri/Pejabat Pendidikan Daerah yang berhampiran dengan kediaman masing-masing untuk semakan tawaran kemasukan ke Tingkatan Enam Semester 1 tahun 2021.

Bagi murid yang tiada capaian internet, pihak sekolah akan membantu membuat semakan tawaran kemasukan ke Tingkatan Enam Semester 1 Tahun 2021.

13. Saya merupakan murid lepasan SPM 2020 di sekolah kerajaan dan bantuan kerajaan serta menerima tawaran kemasukan ke Tingkatan Enam Semester 1 tahun 2021, tetapi surat tawaran tiada nama Kolej/Pusat Tingkatan Enam.

Murid perlu menghubungi (melalui telefon/emel) Jabatan Pendidikan Negeri/Pejabat Pendidikan Daerah yang berhampiran dengan kediaman masing-masing untuk mendapatkan nama Kolej/Pusat Tingkatan Enam yang ditempatkan.

Bagi murid yang tiada capaian internet, pihak sekolah akan membantu membuat semakan tawaran kemasukan ke Tingkatan Enam Semester 1 Tahun 2021.

14. Bolehkah saya menukar bidang (Sains atau Sains Sosial) pengajian yang ditawarkan dan bilakah tarikh permohonan tersebut?

Boleh. Murid boleh mengemukakan permohonan menukar bidang (Sains atau Sains Sosial) secara emel mulai 5 hingga 15 Julai 2021 kepada Kolej/Pusat Tingkatan Enam yang ditempatkan.

Bagi murid yang tiada capaian internet, pihak sekolah asal akan membantu permohonan tukar bidang mengikut tarikh yang telah ditetapkan.

15. Adakah murid bukan warganegara Malaysia boleh memohon ke Tingkatan Enam Semester 1?

Permohonan murid bukan warganegara adalah tertakluk kepada *seksyen 130 Akta Pendidikan 1996 Peraturan-peraturan Pendidikan (Penerimaan Masuk Murid ke Sekolah, Penyimpanan Daftar dan Syarat Bagi Pengekalan Murid Belajar Di Sekolah) 1998*. Permohonan adalah tertakluk kepada syarat am dalam kelayakan kemasukan ke Tingkatan Enam yang telah ditetapkan.

Murid boleh membuat permohonan dengan mengisi borang P.U(A)275-Jadual Pertama yang boleh diperolehi secara emel dari Jabatan Pendidikan Negeri/Pejabat Pendidikan Daerah yang berhampiran.

Bagi murid yang tiada capaian internet, pihak sekolah akan membantu dengan menggunakan kaedah yang bersesuaian bagi membuat permohonan rayuan. Kelulusan adalah berdasarkan kepada syarat kemasukan dan kekosongan tempat.

16. Saya telah menolak tawaran Universiti Awam/IPTA/IPTS/setara, bolehkah saya memohon ke Tingkatan Enam?

Boleh. Calon yang menolak tawaran Universiti Awam/IPTA/IPTS/setara perlu membuat permohonan rayuan secara dalam talian di pautan <https://sst6.moe.gov.my/> dengan mengisi borang rayuan umum kemasukan ke Tingkatan Enam (T6BRU).

Bagi murid yang tiada capaian internet, pihak sekolah akan membantu dengan menggunakan kaedah yang bersesuaian bagi membuat permohonan rayuan. Kelulusan adalah berdasarkan kepada syarat kemasukan dan kekosongan tempat.

17. Saya tidak menamatkan pengajian di Universiti Awam/IPTA/IPTS/setara, bolehkah saya merayu untuk masuk ke Tingkatan Enam?

Boleh. Calon yang tidak menamatkan pengajian di Universiti Awam/IPTA/IPTS/setara perlu membuat permohonan rayuan secara dalam talian di pautan <https://sst6.moe.gov.my/> dengan mengisi borang rayuan umum kemasukan ke Tingkatan Enam (T6BRU).

Bagi murid yang tiada capaian internet, pihak sekolah akan membantu dengan menggunakan kaedah yang bersesuaian bagi membuat permohonan rayuan. Kelulusan adalah berdasarkan kepada syarat kemasukan dan kekosongan tempat.

D. PENGURUSAN TINGKATAN ENAM

18. Dimanakah saya boleh mendapatkan maklumat lanjut berkaitan tawaran kemasukan ke Tingkatan Enam?

Maklumat berkaitan tawaran kemasukan ke Tingkatan Enam boleh diperoleh daripada portal KPM (<https://www.moe.gov.my>) dan portal Aplikasi Dalam Talian Tingkatan Enam (<https://sst6.moe.gov.my/>). Murid juga boleh menghubungi Jabatan Pendidikan Negeri atau Pejabat Pendidikan Daerah yang berhampiran dengan kediaman masing-masing melalui telefon/emel (rujuk portal yang sama).

Bagi murid yang tiada capaian internet, pihak sekolah akan membantu membuat semakan tawaran kemasukan ke Tingkatan Enam Semester 1 Tahun 2021.

19. Adakah saya boleh hadir ke Jabatan Pendidikan Negeri/Pejabat Pendidikan Daerah untuk mengambil surat tawaran?

Tidak boleh. Surat tawaran boleh diperolehi secara dalam talian dipautan (<https://sst6.moe.gov.my/>).

Bagi murid yang tiada capaian internet, pihak sekolah akan memaklumkan keputusan tawaran serta menyampaikan surat tawaran Tingkatan Enam Semester 1 Tahun 2021.

20. Adakah saya boleh melapor diri secara bersemuka di Kolej/Pusat Tingkatan Enam yang telah ditetapkan?

Tidak boleh. Pendaftaran kemasukan murid Tingkatan Enam Semester 1 Tahun 2021 dilaksanakan secara dalam talian melalui pautan (<https://sst6.moe.gov.my/>).

Bagi murid yang tiada capaian internet, pihak sekolah akan membantu murid membuat pendaftaran mengikut kaedah yang bersesuaian.

21. Adakah murid boleh menangguh untuk pendaftaran ke Kolej/Pusat Tingkatan Enam yang telah ditetapkan?

Tidak boleh. Murid perlu mendaftar dalam tempoh yang telah ditetapkan. Sekiranya murid membuat penangguhan, maka tempoh pengajian minimum 20 minggu dalam semester 1 tidak dapat dipenuhi sebelum menduduki peperiksaan STPM Semester.

22. Apakah pakaian murid Tingkatan Enam?

Pakaian murid adalah berpandukan Surat Pekeliling Ikhtisas Bilangan 2 Tahun 2014 Etika Pakaian Murid Tingkatan Enam. Pakaian murid lelaki ialah baju kemeja berseluar panjang lengkap dengan kasut dan stoking. Pakaian murid perempuan ialah baju kurung, gaun, gaun labuh/jenis jubah/maksi, two-piece/three piece suit pants lengkap dengan kasut atau pakaian tradisional kaum masing-masing yang bersesuaian dan lengkap. Sebarang pakaian yang menggunakan material jenis denim tidak dibenarkan. Jean, cargo pants, seluar pendek, atau legging tidak dibenarkan. Apa-apa pakaian yang menutup muka tidak dibenarkan. Murid dilarang memakai kemeja-T semasa menghadiri kelas. Murid hendaklah berpakaian kemas, sopan dan tidak mencolok mata. Pakaian yang jarang dan ketat juga tidak dibenarkan. Walau bagaimanapun, murid juga boleh mengenakan pakaian seragam sekolah sekiranya perlu (hak memilih terpujang pada murid).

23. Saya calon Sekolah Integriti bolehkah saya memohon untuk ke Tingkatan Enam?

Permohonan ke Tingkatan Enam boleh dibuat menerusi Sekolah Integriti masing-masing dan tertakluk di bawah kawalan Kementerian Dalam Negeri.

24. Saya murid lepasan Sijil Vokasional Malaysia (SVM), bolehkah saya menyambung pengajian di Tingkatan Enam, KPM?

Boleh. Murid boleh menghubungi (melalui telefon/emel) JPN/PPD yang berhampiran dengan kediaman masing-masing untuk semakan tawaran kemasukan ke Tingkatan Enam Semester 1 Tahun 2021.

Bagi murid yang tiada capaian internet, pihak sekolah akan membantu murid membuat semakan tawaran kemasukkan ke Tingkatan Tingkatan Enam Semester 1 Tahun 2021.

25. Saya murid bawah Program Vokasional Menengah Atas (PVMA). Adakah saya boleh menyambung pengajian di Tingkatan Enam, KPM?

Boleh. Murid boleh menghubungi (melalui telefon/emel) JPN/PPD yang berhampiran dengan kediaman masing-masing untuk semakan tawaran kemasukan ke Tingkatan Enam Semester 1 Tahun 2021.

Bagi murid yang tiada capaian internet, pihak sekolah akan membantu murid membuat semakan tawaran kemasukkan ke Tingkatan Enam Semester 1 Tahun 2021.

(Bagi murid PVMA mata pelajaran yang diambil kira bagi pengiraan dalam syarat khas kemasukan ke Tingkatan Enam Semester 1 Tahun 2021 adalah hanya melibatkan matapelajaran yang setara dengan SPM iaitu Bahasa Melayu, Bahasa Inggeris dan Sejarah).

E. SESI PENGAJIAN

26. Bilakah sesi pengajian Tingkatan Enam Semester 1 bermula?

Sesi pengajian bagi Tingkatan Enam Semester 1 Tahun 2021 akan bermula pada 25 Julai 2021 bagi sekolah dalam negeri kumpulan A dan pada 26 Julai 2021 bagi sekolah dalam negeri kumpulan B.